

18 FEB 1998

Mahathir-tiba

DR MAHATHIR TIBA DI BRUNEI (bergambar)

BANDAR SERI BEGAWAN, 18 Feb (Bernama) -- Datuk Seri Dr Mahathir Mohamad tiba di sini petang ini dalam rangka lawatannya untuk berbincang dengan pemimpin-pemimpin Asean mengenai kegawatan ekonomi yang melanda rantau ini.

Perdana Menteri dijadual menghadap Sultan Hassanah Bolkiah sebelum diraikan pada jamuan malam di Royal Brunei Golf and Country Club di Jerudong.

Dr Mahathir yang diiringi oleh Datin Seri Dr Siti Hasmah Mohamed Ali tiba pada 5.20 petang. Mereka disambut oleh Menteri Industri dan Sumber Utama Pehin Haji Abdul Rahman Mohammad Taib.

Kali terakhir Dr Mahathir menemui Sultan Brunei ialah pada sidang kemuncak tidak rasmi Asean di Kuala Lumpur Disember lepas.

Sebelum ini Perdana Menteri melawat Bangkok, Manila dan Singapura.

Negara-negara Asean sedang menimbang cadangan mengendalikan perdagangan dalam mata wang mereka ekoran kemerosotannya berbanding dolar Amerika.

Dr Mahathir akan berlepas ke Sabah pagi esok. -- BERNAMA

OPP MAI